

欽定大清會典事例

欽定大清會典事例卷三百八十三

禮部

學校勸懲優劣

勸懲優劣。○順治八年題准。該管有司官。於諸生進見。須設立門簿。或公事。或私事。或自構訟。或為人訟。或自為證。或被牽訟。全載情節。其有事不干己。輒便出入衙門。乞恩網利。議論官員賢否者。許即申呈學政。以行止有虧革退。若糾衆擯幫。聚至十人以上。罵詈官長。肆行無禮。為首者照例問罪。其餘不分人數多少。盡行黜革。

為民。○又題准。各省生員。閒有身列黷宮。現充書吏者。又有原係積年衙蠹。經犯罪名。蒙混入學者。皆斥革。嚴究治罪。至現在衙門應役之人。冒應童試。嚴察重治。廩生教官扶同保結者。並行議處。○又覆准。士子有敦本尚實。行誼表著者。提調官細加體察。取具本學師生。及本族鄰里甘結。申送學政。覈實即加獎賞。若有平日不務學業。囑託把持。武斷包攬。或捏造歌謠。興滅詞訟。及敗倫傷化。過惡彰聞者。體訪得實。不必品其文藝。即行黜革。但行優者。不許通同賄冒。

行劣者不許徇情姑息。並不許輕信開送。致被挾私中傷。違者從重叅處。○又題准。各提學官督率教官。務令諸生將平日所習經書義理者。實講求。躬行實踐。不許別創書院。羣聚結黨。及號召地方游食之徒。空談廢業。因而起奔競之門。開請託之路。違者提學御史聽都察院處分。提學道聽巡按劾奏。游士人等問擬解發。○十年題准。生員犯小事者。府州縣行教官責懲。犯大事者。申學政黜革。然後定罪。如地方官擅責生員。該學政糾叅。○十五年題准。各學劣生。有

不遵條例者。教官揭報學道。嚴行褫革。如教官徇情不報。罰俸六月。徇庇至三名者。革職。學政經教官揭報。不盡法懲處。被撫按糾察。每一名以上。罰俸六月。三名以上。罰俸一年。五名以上。降一級。七名以上。革職。至舉優行者。以孝弟為先。不得以操履平常充數。如有扶同受賄情弊。查出。將教官重處。○十六年

諭士習不端。結社訂盟。把持衙門。關說公事。相煽成風。著嚴行禁止。以後有犯者。該學臣即行黜革。叅奏。學臣徇隱。事發一體治罪。○康熙二年題准。教官徇情

不報劣生者。一名革職。學政不盡法懲處者。一名降四級。三名革職。○雍正元年覆准。飭令各省學政。務細加查覈。生員有品行端方。行誼表著。即獎賞列薦。送入國學。其品劣敗倫者。即行黜革。各教官務舉劾確實。如有通賄濫舉。挾讎妄劾者。學政查出。即題叅議處。教官之舉劾咸當者。於計典內聲明列薦。學臣報滿之日。將任內舉黜之數奏

聞。造冊報部查覈。○又覆准。嗣後各省學政。轉飭教官。實心訪查。有居家孝友。品行端方者。列為上

等。至若武斷把持。過惡彰聞者。列為下等。造具實行清冊。於學臣案臨未經考試之前。申送查覈。學政衡文時。閱其文理優長。而品行端方者。拔置上等。給以獎賞。至冊開下等生員。廉訪得實。即行褫革。報滿之日。將任內舉黜之數。別造清冊。與考冊一同報部查覈。○又議准。嗣後令學臣會同督撫。轉飭地方官。除恩拔歲副正途外。凡捐納貢監生。細加查訪。如有敦本尚實。行誼表著者。出具印結。申送督撫提學會同確訪。無異。即加獎賞。其有倚恃護符。行止不端。亦令

申報造具清冊。歲終彙冊送部查覈。○二年議
准。嗣後文武生員。除謀殺故殺人。及戲殺誤殺
過失殺傷人者。仍照例治罪。其原有欺壓情形。
一時爭競。互相鬪毆致死者。亦仍照鬪毆殺傷
例治罪外。如有武斷鄉曲。倚仗衣頂。橫行欺壓
平民。其人不與爭。旁人不敢阻勸。將人毆打
致死者。質審確實。從重擬斬監候。秋後處決。○
三年覆准。飭令直隸各省督撫學政。嗣後如有
生監人等。假託文會。結盟聚黨。縱酒呼盧者。該
地方官即拏究申革。其有遠集各府州縣之人。

標立社名。論年序譜。指日盟心。放僻為非者。照姦徒結盟律。分別首從治罪。如地方官知而故縱。將該管官從重議處。○四年

諭為士者乃四民之首。一方之望。凡屬編氓。皆尊之奉之。以為讀聖賢之書。列膠庠之選。其所言所行。俱可以為鄉人法則也。故必敦品勵學。謹言慎行。不愧端人正士。然後以聖賢詩書之道。開示愚民。則民必聽從其言。服習其教。相率而歸於謹厚。或小民偶有不善之事。即懷愧恥之心。相戒勿令某人知之。如古人之往事。則民風何患不淳。世道何患不復古耶。朕觀

今日之士。雖不乏閉戶勤修讀書立品之人。而蕩檢踰閑不顧名節者。亦復不少。或出入官署。包攬詞訟。或武斷鄉曲。欺壓平民。或抗違錢糧。藐視國法。或代民納課。私潤身家。種種卑汙下賤之事。難以悉數。彼為民者。見士子誦讀聖賢之書。而行止尚且如此。則必薄待讀書之人。而並且輕視聖賢之書矣。士習不端。民風何由而正。其間關係極為重大。朕自即位以來。加恩學校。培養人才。所以教育士子者。無所不至。宜乎天下之士。皆鼓舞奮興。爭自濯磨。盡去其佻達之習矣。而內外諸臣條奏中。臚列諸生之劣迹。請行

嚴懲者甚多。朕思轉移化導之法。當先端其本原。教官者多士之儀型也。學臣者教官之表率也。教官多屬中材。又或年齒衰邁。貪位竊祿。與士子為朋儔。視考課為故套。而學臣又但以衡文為事。任教官之因循怠惰。苟且塞責。漫不加察。所以倡率之本不立。無怪乎士習之不端。風俗之未淳也。朕孜孜圖治。欲四海之大。萬民之衆。皆嚮風慕義。革薄從忠。故特簡督學之臣。慎重教官之職。欲使自上而下。端本澄源。以收實效也。凡為學臣者。務須持正秉公。宣揚風化。於教官之稱職者。即加薦拔。溺職者。即行叅革。為教官

者。訓誨士子。悉秉誠心。如父兄之督課子弟。至於分別優劣。必至公至當。不涉偏私。如此各盡其道。則士子人人崇尚品誼。砥礪廉隅。不但自淑其身。而羣黎百姓。日聞善言。日觀善行。必共生感發之念。風俗之丕變。庶幾其可望也。○又

諭朕思各省學政。奉命課士。黜劣舉優。係其專責。嗣後學政三年任滿。將生員中實在人品端方。有猷有為。有守之士。大省舉四五人。小省二人。送部引見。朕親加考試。酌量擢用。現在報滿各學政。即遵照薦舉。其到任未久者。如有所知。亦即舉出。夫一省而舉數士。

不可謂無人。學政巡歷各府。三年之久。日與士子相親。考文察行。不得謂不知。但能虛公衡鑒。所舉必得其人。且風聲所樹。凡讀書士子。必皆鼓舞振興。於士習人才。大有裨益。該學政其各實心奉行。毋得苟且塞責。如有徇私冒濫等弊。必嚴加治罪。○又覆准。學政每歲舉報生員優劣。皆由教官造送。嗣後被褫劣衿。如有挾讎肆橫。以圖報復者。該教官任其為害。不行揭報。一經告發。或被上司訪查。除將被褫劣衿治罪外。該教官一併嚴加議處。○

五年

諭從來為政在乎得人。書曰。野無遺賢。萬邦咸寧。蓋賢才登進。在位者多。則分猷效職。庶績自能就理。而民生無不被其澤也。朕即位以來。加意旁求。凡所以延訪擢用之道。無不備至。如現在官員及候選候補科目諸人。每特令薦舉。遴選引見。廣開錄用之途。冀收羣策之力。又念各省學校之設。原以養育人材。爰命學臣保舉賢能。升聞於朝。以備任使。乃直省學臣所舉人數不多。又或草率塞責。不能副得人之實。夫十室之邑。必有忠信。今直省府州縣學貢生生員。多者數百人。少亦不下百餘人。其中豈無行誼淳篤。好修

自愛明達之士乎。著知州知縣官會同各該學教官。將府州縣學之貢生生員內。居家孝友。行己端方。才可辦事。而文亦可觀者。秉公確查。一學各舉一人。於今年秋末冬初。申報該上司。奏聞請旨。其或僻遠中學小學實無可舉者。令知縣教官出具印結。該督撫查實奏聞。朕因廣攬人材。舉此曠典。所以黜浮華而資實用。州縣教官等官。為一方師長。選賢薦能。乃其專責。儻敢有輕忽之心。虛應故事。濫舉非人者。定照溺職例革職。若更徇情受賄。則又當重治其罪。八旗之滿洲蒙古漢軍。亦照此例。將人品端方。通曉漢文。

者著該佐領各舉一人。如不得其人之佐領亦具印結。令該都統彙齊奏聞請旨。庶使潛修篤行之士得以表見。而國家亦收得人之效矣。○又議准。文武生員不得出入衙門。干預訟事。儻事非切己。或代親族具控作證。或冒認失主屍親者。由地方官即時申詳學臣。將該生員褫革後。始審其是非曲直。○又議准。凡因事被褫之劣衿。敢有挾讎肆橫。以圖報復者。即照所應得之罪。加一等治罪。○又覆准。貢監既令學政約束。州縣官亦設立門簿。凡貢監生有出入衙門者。逐一填造。每

月申報督撫學政查覈。○又議准。向例捐納貢監生。有犯事應斥革者。必俟咨部褫革。始行審理。文書需時。嗣後有應褫革者。令地方官申報督撫學政。事屬督撫者。督撫移咨學政。事屬學政者。學政移咨督撫。即褫革發審。再具文報部。至年終。仍將審明該貢監犯事斥革緣由。造冊送部。以便查覈。○又覆准。貢監生員舉報優劣。有司教官務將確實事迹。明白指實。以憑督撫學政秉公查覈。督撫學政仍親加體察。以杜欺誑。凡學政報滿之日。將覈定優劣貢監生員。榜

示通衢。使知榮辱攸分。○六年議准。生員有抗
欠錢糧者。學政於按考所至。令地方官詳查開
報欠糧之生。必俟完糧後。方准投考。○又議准。
直省學臣通行各儒學。每年十一月。取具生員
結狀。五人互結一人。結得並無抗糧包訟等事。
彙送學臣查覈。監生亦照此例辦理。○又議准。
生員有切己之事。赴州縣告理者。先將呈詞赴
學挂號。該學用一戳記。州縣官驗明收閱。僅有
恃符健訟。重則斥革。輕則以劣行咨部。○又議
覆。近年各省學政舉報優行。並無一人開報劣

行。不過將緣事已革者造報塞責。總由三年任滿。方行造報。其中不免瞻徇顧忌。市恩沽譽。嗣後各省學政。每考一處。各學教官。即將所屬文武生員優劣款迹。秉公具實開報。其府州縣亦呈送優劣密單。該學政再細加訪查。儻該府州縣及教官開報不實。或有通賄濫舉。挾嫌妄報者。即以袒庇營私叅處。如舉報得實。於考畢時嚴行獎戒。將各生姓名造冊達部存案。該學政於三年任滿時。具疏彙題。優者升入太學。劣者褫革。其先經達部之劣生。果有改悔向善者。於

任滿時彙題聲明。除去原冊劣生之名。僅學臣有瞻徇隱漏情弊。查出。照例嚴加議處。奉

旨依議。本內議稱劣生果能改悔。即除去原冊劣生之名等語。夫分別優劣。以昭勸懲。原以望其自新。但人之遷善。亦有勉強於一時。而不能始終如一者。僅既除劣生之名。將來又復開報。不但紛擾。亦且非體。嗣後凡有劣生改過自新者。即於冊內開註。不必除名。○又覆准。嗣後士子作文。以明理為主。放誕狂妄之語。應行禁止。令該教官及地方官嚴切曉諭。仍不時查訪。如有妄肆譏訕。侮慢聖賢。治以

應得之罪。儻教官及地方官容隱不究。一併嚴加議處。○七年

諭士子者。百姓之觀瞻。士習不端。民風何由得厚。是以考課士子。設為舉優黜劣之典。以為移風易俗之道。所關亦綦重矣。而無如教官學政。往往視為具文。奉行不力。每當按試之時。教官則以無優無劣具文申詳。如此則善者何由而勸。不善者何由而懲。夫善者之湮沒不彰。一時尚難覺察。而不善之人。倣幸苟免於目前。不旋踵而劣迹敗露。每見蕩閑踰檢犯法亂紀之士。皆從前學政教官之未開報劣行者。其閒情

罪雖難一一追究。然即此可知其中之容隱不少矣。嗣後若教官沽名邀譽。縱容劣生。不行舉報者。經學政查出。立即指叅。將教官照溺職例革職。若學政瞻徇情面。不行糾叅者。一經發覺。將學政照徇庇例降級調用。將此永著為例。○又覆准。告頂生員。嗣後應照禮部覆准生員五人互結之例。結得並無抗糧包訟等情。一生犯事。互結之生同罪。於每年十月內。投遞該學教官。加具印結。並於歲考時。別造優劣清冊。一同送學政稽查。有行止不端者。仍即詳請褫革。如徇隱袒護。一經查出。照徇

庇例議處。○又覆准。嗣後學臣考試。府州縣教官。各自呈送優劣密單。如有互相關會情弊。學政查出。題叅議處。○又議准。文武生員。緣事斥革。審訊者。如係具題之案。部文到日。即移會學臣。若外結之案。承審官於事結後。限一月內。即鈔招錄案申報學政。分別開復除名。以杜弊端。如承審官遲延不報者。罰俸一年。○八年議准。粵東士子。往往把截住居地方。遇經過船隻。勒取錢文。又有霸占墟場。私行抽稅。以及強取民間房租等事。嗣後令該督撫嚴飭各州縣及教

官嚴訪詳革。從重治罪。其互結之生監。照例同坐。有能據實首明者。免。若該州縣及教官失於覺察。或經上司訪出。或經旁人首告。州縣官照劣生包攬錢糧不行查出例。罰俸一年。教官照徇庇劣生例。降三級調用。○又議准。各省造報優生。其請升入太學者。並無優行實迹。嗣後由該學政確訪實迹。取具府州縣官及儒學印結。學政出具考語。果係文行兼優者。照原議升入太學。給予印結。彙送清冊報部。至所報劣行生員冊內。有稱改悔自新者。應毋庸議。其餘悉照

原議斥革。○十二年

諭各省生童。往往有因與地方有司爭競齟齬。而相率罷考者。或經教官勸諭。或同城武弁排解。然後寢息其事。此風最為惡劣。士為四民之首。讀書明理。尤當祇遵法度。恪守憲章。化氣質之偏。祛囂陵之習。況國家之設考試也。原以優待士子。與以上進之階。論秀書升。遭逢令典。凡爾生童。不知感戴國恩。鼓舞奮勉。而乃以私心之忿。藉罷考為挾制官長之具。何市井無賴。至於此乎。蓋因庸懦之督撫學臣。希圖省事。草草完結。不加嚴懲。以至相習成風。士氣益驕。士品日

流於下。關係匪淺。各省生童等。如果該地方官有不公不法陵辱士子等情。自應赴該地方上司衙門控告。秉公剖斷。嗣後儻不行控告。而邀約罷考者。即將罷考之人。停其考試。若合邑合學俱罷考。亦即全停考試。天下人才衆多。何須此浮薄乖張之輩。是乃伊等自甘暴棄。外於教育生成。即擯棄亦何足憫惜。如此定例。亦整飭士習之一端。著該部妥議通行。欽此。

導

旨議定。嗣後地方官如有不公不法陵辱士子等情。生童等身受其害者。准其赴該管上司控告。該上

司秉公審理。即將地方官題參。按其情罪之輕重。照例議處。如係情虛。將該生童等治以誣妄之罪。儻該上司袒護地方官。不行准理。或徇情營私。割斷不公者。一經發覺。將該上司從重議處。如有豪橫之徒。逞其一時私忿。輒敢聚衆罷考。挾制官長者。照山陝題定光棍之例。分別首從治罪。其逼勒同行罷考之生員。褫其衣頂。童生記名檔案。俱停考試。如合邑合學同罷考。即將合邑合學罷考生員。全褫衣頂。童生全停考試。仍照例分別杖責。如該生童已經懲治之後。

果能改過自新。該督撫會同學臣。察實具題請旨。倘有不肖學臣。市恩邀譽。暗中寢息。或將罷考案內之人。濫行收考者。該督撫查參。將該學政照徇庇例議處。儻該督撫通同徇隱。一經發覺。將該督撫一併嚴處。至教官有教導士子之責。如有生員等罷考。是必其平日董率無方。不能約束所致。該教官照溺職例革職。儻於生童罷考之時。該教官畏懼處分。或有同城武弁。與之從中調處。寢息其事者。均照私和公事例治罪。○又覆准舊例。有司所設門簿。例由各學造送學

臣鈐印分發州縣。而州縣有司。多以學校非其專責。往往沈閣遲延。按知府一官。於學校考試。原有提調之責。州縣案件。無不周知。嗣後門簿。應由學政鈐印。將諸生二字。易為貢監生員。照式刊刻本條全文。交與該府轉發州縣。遇事登記。該州縣於季底申送該府。轉呈學政衙門查覈。○又議准。貢監劣生。雖經緣事詳革。審明例應開復者。亦令地方官即行開復。不得遲至任滿滋弊。若地方官故捏情弊。具詳褫革者。將地方官照故入人罪例叅處。其已經咨請擬革之

貢監生果係審明無干及拖欠錢糧革後全完者該地方官即照例詳請開復其或勒指索詐不即行詳請開復並故捏情弊詳革不實者查出將該地方官題叅議處○乾隆元年覆准嗣後直省文武生員止令學政於歲試時隨場舉報優劣一次造冊送部仍俟三年任滿彙題至科試停止舉報優劣有抗糧唆訟行止不端等弊仍許各地方官不時詳報大者請革小者按所犯之罪分別戒飭○又覆准嗣後監生果係豪橫不法及行止有虧者有司先詳報學政斥

革。以便審訊。即報禮部。審係無辜。實屬干連者。詳明開復。儻該管有司。或藉端冤抑。出入人罪。將該地方官照例叅處。○又議准。生監既並隸儒學。果有抗糧包訟等事。該學自可詳革。若惟以五生互結為憑。恐有朋比掩飾之弊。應將歲終責取互結之例停止。又生員事關切己。與包攬詞訟不同。若必令其赴學挂號。求用戳記。必有不肖教職。挾嫌勒索。徇私容隱。徒滋弊竇。其赴學挂號戳記之例。一併停止。○又議准。生員身列黷宮。包攬詞訟。誠為不法。但未經審理。遽

黜其名。其中豈無屈抑。應將一牽獄訟。先革後審之例停止。其文武生員。果係事非切己。代親族具控作證。冒認失主屍親者。仍照例科罪。又交納錢糧。凡富生上戶。遵例五月完半。十月全完。如屆期不清。再展二月。以歲底全完為率。其中下貧生。以八月完半。歲底全完。如屆期不清。分別再展數月。以開歲二月四月全完為率。如逾期不完。始行詳革。革後全完。仍准開復。若委係赤貧無力。而尾欠僅屬分釐者。仍照例暫免詳革。其不待限期先行完納者。該地方官照例

量加獎賞。應將交納錢糧嚴立三限之例停止。又文武生員。有武斷鄉曲。倚仗衣頂。橫行欺壓平民。其人不與爭。旁人不敢勸阻。將人毆打致死者。仍照定例治罪外。其被褫革劣衿。有挾讎肆橫。並生監內有串通竊盜。窩頓牛馬。代寫辨狀。誘人賣妻作媒圖利者。照原律分別定擬。所有加等治罪之例停止。又催科之法。大約以五月完半。歲底全完為率。而學政歲時案臨。周行各府。未必下車之日。適當納課之時。且學政案臨。大府不過一月。小府不過一旬。諸生既須

應試。又令完糧。勢難兼顧。若不收考。必致隨場補試。今交納錢糧。已經立限。嗣後將完糧後方准收考之例停止。又生監緣事斥革。一概不許出境。是罪止斥革。而又加以禁錮。似屬已甚。況頑悖之人。在本籍亦能生事。不必出境也。至於重犯事端。自應按律例定擬。嗣後將被褫後不許出境之例停止。○又議准。貢監生員。如有包攬錢糧。侵收入己者。照例革去貢監生員。仍照常入盜倉庫錢糧律。計贓論罪。定擬。係八十兩以上。照不應為而為之律。杖八十。仍革去貢監。

生員。如不及八十兩以上。仍照攬納稅銀杖六十之例。定擬收贖。○又覆准。學政考試。地方如有姦徒聚衆生事。陵脅官長。學政係封鎖衙門。無由禁緝。提調及地方官並駐防武官。協拏務獲。審實照例治罪。如提調等官。事前不能鈴止。事後又不嚴拏。及批審之後。徒以一二軟弱無辜。抵塞結案者。督撫學政題叅。文官交吏部。武官交兵部議處。其廩保濫保匪人。以致場內生事者。一併褫革。○三年覆准。優行生員。如舉優註冊之後。該生改行易轍。實有劣迹可指。該州

縣官及教官仍應據實申詳該學政留心體察

○四年

諭據湖南巡撫馮光裕奏稱。長沙府各屬生童。因考試齊集省城。有童生赴城上乘涼。看視城外居民婦女。相嚮戲侮。該民李勝進城理論。經衆童生趕逐。內有攸縣童生文良書走急。被同伴擠跌。文良書之父文德熾。捏以被毆受傷。喊稟善化縣。並未指出姓名。隨有好事童生劉樹高謝嶽等。即同應考多人。羣赴縣堂嚷鬧。逼勒出差查拏。次早知縣韓宗蕃赴文良書寓所驗傷。係屬跌磕。並非毆打。衆童生遂攔街喧鬧。

將所乘之轎毀壞。又復擁至府署嚷鬧。經副將等喝
拏始散。又赴城上搬取甌石。打壞居民二十九戶屋
瓦。現在飭司查審究擬等語。前據福建巡撫王士任
奏稱。福安縣生員郭向高等。倚恃青衿。抗糧藐法。率
衆挾制官長。敢將文廟黌門。乘夜塗黑。以快私忿。又
據直隸總督孫嘉淦奏稱。昌黎縣生員趙汝楫。控告
知縣劣款種種。經知府審訊皆虛。遂邀邢謨烈等。欲
將縣門壘砌。朕覽王士任孫嘉淦馮光裕前後所奏。
是數月之內。各省生童生事不法之案。已有其三。夫
朝廷之所以優待士子者。以其讀書明理。立品修身。

足為庶民之坊表。且備登進之選。為國家有用之材也。今則涼薄成風。囂陵相尚。恃列膠庠。藐視憲典。以安分為恥。以抗法為榮。平時號為讀書明理者。尚且如此。愚民無知。羣相則效。其為風俗人心之害。何可勝言。且此等之人。伏處牖下。即不自愛。將來倖登仕籍。必至乖戾縱肆。傲上虐民。尚望其慎守官方。砥礪廉隅。為國家循良之吏乎。古稱稂莠不翦。則嘉禾不生。朕之嚴飭劣生者。正所以培植端人正士也。各省學政當深知此義。時時訓誡。俾頑劣生童。改行率德。以受國恩。其蕩閑踰檢有玷宮牆者。即行黜革。毋得

姑容。地方督撫大吏亦當極力化導。並嚴加約束。以端士習而厚民風。著將此旨刊刻頒布。咸使聞知。○

七年議准。學政案臨時。務令密察各生素行。舉優斥劣。寓勵行之意於衡文之中。並諭所屬教官。時時獎勸誘掖。務期敦崇實學。勉為醇儒。○九年議准。生員有居住該州縣而入他邑庠者。限文到兩月。自行呈明。係何學生員。居住某里某甲鄰右。及有無田糧廬墓。逐一詳載。造冊送該學政查覈。如逾限不行呈明。即行褫革。該州縣務徹底清釐。毋許蒙混開報。一面移交該教

官分別約束。有恃符滋事者。該州縣即行詳革。

○十年議准。嗣後邊庠士子。有游學內地者。必呈明本學教官。牒行州縣。取具地鄰甘結。詳明學政。候批准遵行。仍令該州縣註冊。歸日銷案。如有不呈報本學。私自他出者。即將本生褫革究治。如已報明。而教官不牒州縣。及州縣不即轉詳學政者。將該州縣教官。分別查叅議處。○又議准。凡錄遺不取諸生。每羣聚省會之中。遇監臨司道出門。喧呼擁擠。紛紜求籲。此實士子陋習。應由該學政嚴加禁飭。如有不恪守功令。

因錄遺不取。聚衆喧呼者。即將該生等分別首從懲治。○十一年

諭浙江處州府居萬山之中。士習強梗。不知禮義。罔識法度。各屬盡然。而松陽青田為尤甚。此皆因見聞淺陋。錮蔽日深。是以習於愚頑。難以牖迪。惟在地方大吏。加意整飭。而職司文教者。尤宜悉心化導。以挽頽風。著該督撫學政等實力訓迪。開其智識。澤以詩書。化其愚魯。俾咸知禮法。蒸蒸日上。庶幾積習漸除。士風丕振。以無負朝廷教育人材之至意。○十二年議准。各學教官舉報劣生。未免苟且瞻徇。嗣後各

省學臣轉飭各教官。確實訪查。所轄生員內。凡係劣行昭著。實有款迹者。據實開報。學臣再加查訪。照例辦理。不得以業經緣事之生。虛應故事。○又議准。各省貢監。每有妄自尊大。甚至為害地方者。嗣後由各督撫學臣轉飭州縣會同教官。將所屬貢監。嚴加約束稽查。如有孝友力學敦本尚實。行誼表著者。據實結報。督撫學臣即加獎賞。其敗倫傷化。包攬詞訟。武斷鄉曲。過惡彰聞者。隨時詳報咨革。若事犯尚小。可責以改過者。仍照定例申報。督撫學臣於年底同獎。

過優生。一併造冊報部。如有悔悟自新者。仍於冊內開註。以憑查覈。○十五年議准。嗣後學政案臨歲考時。如遇該學教諭訓導兩員。俱係新任。未及半年以上者。其舉報優劣。許學臣於造冊時。聲明展限。飭令再加詳訪。俟科試補行報部。仍嚴明獎戒。以示勸懲。○二十年題准。嗣後貢監緣事。督撫批革後。即行審究。於季終摘敘簡明事由。應斥字樣。彙冊報部。其革後審係應開復者。仍單咨報部定議。○又

諭。嗣後各省督撫。其嚴飭所屬地方官。無論文武生監。

俱令悉心體察。僅有不遵約束恃符生事者。即行按法究治。毋徇私譽。視為具文。庶足端士風而崇實政。

○二十四年議准。嗣後捐納貢監。責成州縣官約束稽查。並將州縣官造冊送學之處停止。該貢監如犯細事應戒飭者。仍會同教官面行扑責。其餘事件。教官不得干預。府州縣官仍遵例將犯案緣由。申報督撫學政查覈。至貢監舉報優劣。實有關於勸懲。除劣行不堪者隨時懲治外。其餘仍於學臣案臨時。照例揭報。僅視為具文。漫以無優無劣申覆。將地方官照舉報不實。

例。叅處。○又議准。士子身列膠庠。訐訟洵為惡習。董戒約束。乃學臣專責。嗣後酌量州縣繁簡。按季立簿。由學政衙門印發各州縣。於自行辦理詞訟。及上司批查事件內。有生監屬原告。或係被告者。將兩造姓名簡明事由。按日登記。已審結者。將看語一併錄出。未結者。註明未結字樣。會學鈐印。每兩季申繳一次。仍將並無遺漏之處聲明。聽學政衙門查覈。至於生監為人作證。如係他人妄行牽連。許本生自行辯明。免其開註。若係無故多事。出身作證。即屬不守學規。

地方官詳明學臣。分別戒飭褫革。照例辦理。至生監之巧構訟端。潛身局外者。訟簿雖設。無由登若輩之姓名。應由學臣於甄別優劣考校藝業之時。實力整飭。詳細體察。一有唆訟之輩。令地方官嚴拏重懲。○二十八年議准。嗣後直省府學生員。在百里以外者。令本籍州縣學教官就近約束。如遇舉報優劣。本籍教官聞見既確。密行開單。移交府學轉申。如有失察。分別處分。其武生亦照文生之例辦理。○三十三年議准。嗣後各學政歲科兩試。取進文武新生紅案發

學後。即飭發地方官。將所進新生名數。並履歷。造冊呈送督撫備查。至舊案文武生員。並令各學政。每逢歲科兩試。飭教官照格眼冊另造一本。牒送該地方官呈送督撫衙門存案。遇有訟詞。關涉生員者。即行褫革審訊。毋庸咨學政覈覆。○三十四年

諭。向來各省學政。三年任滿。例應舉報優劣。其優生之保題到部者。經禮部彙試。分別廩增附。作為貢監。送入成均肄業。且有按省大小定額。不得過幾名之令。而日久相沿。奉行殊難責實。在學政中之拘謹畏事。

者多。以無可舉為辭。人材既不無屈抑。其他好名市惠之人。雖所舉不敢踰額。必致儘數充選。自博寬厚之譽。況學政與生員分屬師生。隨時得以相見。其中保無納贄夤緣情弊。於造士掄才甚有關係。但三年舉行一次。為獎勵士子之一端。若竟輟而不行。未免因噎廢食。嗣後學政舉報優生。照選拔貢生之例。會同該督撫一體考覈。果屬文行兼優者。准其會銜保題。庶諸生不致濫邀。而甄拔益昭。公當其報劣之例。照舊加意覈實辦理。○三十六年議准。生員代人作證。經地方官審係全誣。則故櫻法網。較之尋常。

包攬者。其情尤重。應即詳請褫革。照教唆詞訟本罪上各加一等治罪。如計贓重於本罪者。仍照律以枉法從重論。其訊明事屬有因。並非捏詞妄證者。雖證佐確鑿。而以全無關涉之事。出入公庭。其平日不能讀書自愛。已有明驗。亦即將本生嚴加戒飭。儻罔知悛改。復蹈前轍。該教官查明再犯案據。開報劣行。申詳該學政黜革。○三十八年議准。嗣後褫革生員。除州縣有案外。其由各學詳請褫革者。令各該學於奉文批革後。造具緣由清冊。牒送各該州縣備案。如有

冒充衣頂及違禁滋事之革生。即行查明究治。以示懲儆。至各學教職。造送革生名冊。如係偶有疏漏。照經手遺漏例。罰俸一年。其有聽囑漏造者。照徇庇例。降三級調用。○五十四年

諭翁方綱奏江西士子積習甚多。於歲考知所儆惕。而科考則漸就懈怠。蓋由報優劣皆在歲考之時。而科考於諸生別無查察。稍自怠廢者。輒謂科考無關勸懲。或至日久改轍之弊。現飭各學教官。將所管文武各生。是否專心肄業之處。於科試之年。備造全冊。每名下詳細註明。入於交代冊內。以備稽查。各學報優

之生。如彙考不到。及考到而文理荒疏者。將其報優扣除。仍將原報之教官查辦等語。翁方綱之為此奏。不過見其隨事留心。但江西既有此積習。恐各省士風。亦有似此者。學政督飭士子。原應歲科兩試並重。若因歲試有報優報劣之條。而科試竟漫無稽查。則文武各生。其不能自愛者。難保無怠廢改轍情事。於學校殊有關係。嗣後各省學政。務宜實力整頓士習。不特於歲試當秉公考覈。即科試之年。亦當一律認真辦理。覈實程材。以副朕整飭士風之至意。○嘉慶五年議准。向例生員應戒飭者。地方官會同教

官在明倫堂扑責。如擅自叱責。照違令公罪律。罰俸九月。嗣後改為降二級留任。因而致死。者。降二級調用。係故勘致死。照律治罪。○十六年。議准。嗣後奉天各學舉報優生。仍不得過三名。不得其人。任缺毋濫。○十八年。

諭生監為齊民表率。當束身名教。共相砥礪。著各學政。督率教官。加意訓迪。於歲報優劣。秉公甄別。俾知有所勸懲。○十九年。議准。嗣後各該學舉報優生。必須開載詳確事實。文行並重。毋任濫竽。其有舉報不實。及賄囑鑽營等弊。隨時叅辦。至劣行生員。

亦責令該教職悉心查察。據實舉報。如犯事後補行詳革者。除本生照例辦理外。並將該教職予以規避處分。俾知創懲。○又

諭陳預奏審擬民人李其言控案一摺。此案李其言之父李應昌。原控縣書李振甲等偷盜倉米等情。係因生員傅焯。先聲言李振甲等如非偷米。何必連夜搬運。次日又向生員朱芹昌告述。李應昌朱芹昌遂先後具呈赴控。而李應昌旋即在押病故。其子李其言復控訴不休。是傅焯多言肇衅。朱芹昌輕聽妄控。均屬不安本分。有玷學校。該撫將朱芹昌傅焯擬以杖

責。仍請照例納贖。未免輕縱。傅焯朱芹昌俱著斥革。按律發落。嗣後生員不守學規好訟多事者。均照此案辦理。○二十四年覆准。嗣後已革生員請予開復者。應候部議准。剗覆方准。應歲科兩試。及鄉試錄遺。不得未請部示。遽准開復。○道光元年

諭。嗣後刑部遇有關涉生監案件。著遵定例。於覈議罪名後。將生監應革應復之處。會同禮部定議。再行具奏。毋使辦理兩歧。○四年奏准。生監應革應復。當以情節之公私為斷。不以杖數之多寡為衡。嗣後各該督撫學政。於生監犯事。當覈其情節。不得

以杖不滿百。概擬納贖。並將全案供招報部。以憑覈辦。○五年

諭士為四民之首。欲正民風。先端士習。著各省學政嚴飭各學教官。隨時稽查詳報。毋使身列膠庠。恃符滋事。如有刁生劣監。即分別戒飭褫革。至巧構訟端。潛身局外者。必應嚴行懲辦。其刁健之徒。凡審係虛誣。例嚴反坐。地方官不據實究辦。該管上司查明叅處。毋得日久視為具文。○又

諭朱士彥奏請禁訟戶抗糧以端士習一摺。士為四民之首。自宜恪守臥碑。束身自愛。況錢漕係惟正之供。

定例貧生交納錢糧。以次年二月四月為率。較平民展至數月。待士已為優厚。豈容積年抗欠。如該學政所奏浙江杭嘉湖三府。近來錢漕逋欠甚多。俱係生監。上控有案。包漕鬧漕。抗不完納。地方官不能催徵。加以訟戶名目。與訟師訟棍無異。該生等恬不為怪。於士習大有關係。不可不嚴行懲辦。該學政甫經到任。即出示曉諭。甚屬認真。著該撫程含章會同該學政實力整頓。毋許再有訟戶名目。自本年為始。如仍有不肖生監。恃符抗欠。逾限不完者。著即行褫革。嚴辦示懲。毋稍姑息。○九年覆准。各學報劣生員。本不

應列置一二等。況實缺廩生。一經報劣。即行停支廩餼。其由增生附生報劣者。何得復行幫補。至考試一項。定例惟五等生員。不准科試錄遺。考列四等者。向無不准之例。該生等罰停廩餼。既照四等之例。其考試自應一律辦理。○十五年

諭御史俞焜奏嚴覈優劣以端士習一摺。從來民風之醇樸。由於士習之端謹。凡有教士之責者。不徒課以文藝。務在敦崇實行。嚴為旌別。以樹風聲。若如該御史所奏。近來各地方官於貢監生員。並不隨時稽察。

教官舉報優行人數日增。不無冒濫。其有素行不端者。類皆徇隱不報。刁劣之徒。肆無顧忌。往往出入公庭。句串胥吏。或以他人漕糧出名包攬。或以不干己事。聯名訟訐。逞筆舌以玩法。恃衣頂為護符。甚至欺壓鄉閭。挾制官長。犯法滋事。日積愈多。於風俗人心大有關係。不可不嚴行甄覈。著各直省督撫。府尹學政。嚴飭該地方官暨各教職。務須隨時訓誡。認真稽查。舉優者毋徇虛名。報劣者毋許姑息。儻仍瞻徇隱匿。致釀事端。即將各該地方官及教職從嚴叅辦。決不寬貸。○二十五年

諭禮部奏案關文生應行斤革。刑部並未會同禮部覈議等語。此案浙江文生張禮。於人命重案。輒向說錢私和。雖經刑部查明。並未過錢。擬杖議准援免。惟本案關繫罪名至絞。監候之重。該生輒敢私行議和。且說錢已有成數。即與賄賂有據者無異。張禮著仍行斤革。刑部承辦此案司員。並不照例會同禮部辦理。著查取職名交部議處。嗣後遇有案情關涉舉貢生監。應行斤革開復之處。著刑部仍遵前奉諭旨。會同禮部定議具奏。免致辦理兩歧。○咸豐元年

諭徐廣縉葉名琛許乃釗奏南海東莞請分別停試一

摺據稱南海縣西湖書院生徒因挾知府改斷公項之嫌不遂其欲投遞匿名罷考紅帖經該督諭令舉出主謀餘可免究尚復容隱不發東莞縣因抗糧生員畏罪自戕一案合邑士子輒即刷印長紅徧貼罷考請將南海縣西湖書院肄業生童並東莞合學暫停考試等語國家設科掄秀原期於風俗淳美之地選取才良若士習刁頑不加懲創仍使不率教者得登庠序而與賓興將何以勸良士是以雍正年間

諭旨奉有生童以私心之忿借罷考為挾制即令停其考試。

聖諭煌煌。於鼓舞人才之中。寓變化愧厲之道。且罷考
罪名綦重。士子束身名教。尤當守法懷刑。廣東近年
士氣民情。朕方冀其蒸蒸日上。若因一二敗類。遂致
挾制成風。是良莠間生。轉使嘉禾不殖。朕甚愧之。著
將南海縣西湖書院肄業生童。及東莞合學。俱暫停
考試。該督等即確查主謀罷考及附議之人。分別首
從。照例懲辦。該書院及該學中。有端謹老成。將首謀
者舉出。抑其人悔罪自首。或父兄呈出到官。既肯自
新。仍可量從寬典。其脅制被累之同學。經該督等查
實奏明。即當許其考試。此朕董教兼施。猶是古人郊

遂移風之遺意。凡屬多士。其各懍遵訓誡。毋忽。○又諭前據徐廣縉葉名琛許乃釗奏。南海縣西湖書院暨東莞縣士子。因公項命案之嫌。聲言罷考。已降旨暫停考試。茲據該督等奏稱。倡議罷考之人。多係刁徒藉端生事。其安分生監不在其列等語。現在鄉闈伊邇。多士有志觀光。未便因一二刁健之徒。致阻良善進身之路。著照所請。所有西湖書院及東莞一縣生監等。俱著准其一體鄉試。其倡議罷考之人。仍著嚴拏究辦。以示勸懲。○六年

諭步軍統領衙門奏。陝西咸陽縣廩生黃雲瑞呈遞探

本濟時策。求為轉奏。所呈策略。雖無違悖字句。究屬不安本分。黃雲瑞著解。同原籍。交該學教官嚴加管束。毋許出外滋事。各學生員。皆應在學肄業。今該生擅自進京。妄陳時務。有無捏報游學情事。著陝甘學政查明。照例懲辦。○同治元年

諭。太學為自古培植人才之地。我朝振興庠序。加意教育。

世宗憲皇帝賞給庫銀。增葺黌舍。首善之區。四方觀瞻所繫。必得如唐之韓愈。宋之胡瑗。躬行實踐。講明正學。以為表率。人材自能蒸蒸日上。乃近來國子監專

以文藝課士。該祭酒等既以是為去取。而士子亦復以是為工拙。於造就人材之道何裨焉。嗣後於應課詩文外。兼課論策。以經史性理諸書命題。用覘實學。並著該祭酒等。督飭各堂助教學正學錄。分日講說。獎勵精勤。懲戒游惰。黜華崇實。以端趨嚮。其有留心時務。通知古今者。當隨時獎拔。以勸多士。該堂官為諸生師長。尤當自飭廉隅。俾知矜式。用副教育人材至意。又

諭。安徽學政馬恩溥奏請分別勸懲。以嚴學校一摺。安徽省各屬地方。久淪於賊。自上年克復安慶後。各路

官軍乘勝埽蕩。疊復城池。該省生監。前因地方為賊久踞。無處逃避。以致被賊裹脅。尚非甘心從逆可比。節經明降諭旨。寬宥脅從。自應一律予以自新。用示朝廷寬大之典。惟該生監等名列膠庠。陷身於賊。究屬聲名有玷。若不稍予薄懲。轉恐湔雪莫由。無以洽輿情而平士論。所有此項生監。即著照該學政所擬照註劣之例外。再罰停鄉試考試並三年。其舊案應幫補廩增者一併停止。仍交該學政嚴加管束。三年無過。始准一體應試。以示薄懲。其有甘心從賊。或為賊畫策。並曾經帶領賊隊。與官兵接仗者。即係身為

叛逆罪不容誅。法無可貸。仍著該省督撫飭令各該地方官查明。即行奏請正法。毋任漏網。以示朝廷法令寬嚴協中至意。○二年

諭前據河南學政景其濬奏請將品學兼優之副貢生蘇源生等量予錄用。當經降旨交部議奏。茲據吏部奏稱。景其濬所保各生擬請比照考試優貢新章。附入下科優貢之末。由該部驗到考試。分別等第。請旨錄用。嗣後各省學政於生員中果有品學兼優之士均歸入優貢一途。不得於優貢外別開保舉之門等語。所奏自係為慎重選舉起見。惟此次景其濬所保

各該生等。既經該學政詳加查覈。自應名實相符。且恐有敦品立行之儒。年近遲暮。未能應試者。若必概令考試。繩以舉業。殊非朝廷崇尚實學鼓舞羣材之意。所有河南副貢生蘇源生。歲貢生李濬曹肅孫。附生許靜于錦堂。均著以本省訓導用。嗣後各省學政。於該省生員中。務當綜覈名實。認真考察。如有經明行修之士。該學政真知灼見。許其酌保數人。以為鄉里矜式。不准視為常例。濫行保奏。以杜倖進而重選舉。儻有夤緣干進。舉非其人。必將該學政照例議處。以為濫保者戒。○又

謝前因山西貢生朱德秀條陳時務。當經降旨交英桂派令隨同趙德輟等辦理團練。茲據英桂奏稱該貢生由京回籍沿途騷擾。於派赴運城辦團後具稟運城團練廢弛。由於官紳各存意見。並自請飭撥薪水。各情經英桂派令籌防局員查明。所稟多屬虛誣。懇請奏明撤回等語。此等誕妄夸詐之徒。亟應從嚴辦理。以示懲儆。惟念朱德秀係應詔陳言之人。若予以重懲。恐中外之人疑係因言獲咎。殊非朝廷廣開言路之意。朱德秀著從寬革去貢生。遞回原籍。交地方官嚴加管束。毋許干預外事。○三年覆准。生員在京

御園司房充差。係屬違例。歲試誤點除名。不得開復。
○九年覆准。定例槍冒頂替入場。認保斥革。派
保降為附生。若廩生係屬認保者。不得降為附
生。○光緒二年議准。川省訟棍。多係貢監文武
生。唆架扛幫。大為民害。嗣後該學政案臨時。各
府州縣暨教官。各將健訟諸生姓名案據。簡明
開單。各自呈遞。不得互相關會。如既為州縣學
官開報。放告日。又被人控。或無故控人。健訟屬
實。立飭懲辦。州縣及教官等有徇隱者。照例議
處。○十年覆准。生員以不干己之事。出身作保。

不得開復衣頂。○十二年

諭卞寶第奏整頓士習。請嚴申禁令等語。湖南沅州府芷江縣童生聚衆鬧考。竟有毆傷知府情事。業經卞寶第將首從各犯。分別正法懲辦。近來各直省文武童生。往往糾衆滋鬧。藉事罷考。希圖挾制官長。士習不端。藐法已極。恭讀雍正十二年

諭旨。各省生童。有因與地方官爭競齟齬。而相率罷考者。即將罷考之人。停其考試。若合邑合學俱罷考者。亦即全停考試等語。

聖訓煌煌。自應永遠遵守。各省應試生童。或尚未徧知。

著各直省督撫學政恭錄通行曉諭務使士子咸
知儆懼守分遵法毋得逞忿滋事致干重辟嗣後
如再有藉端罷考等事惟有執法嚴懲決不寬貸

欽定大清會典事例卷三百八十四

禮部

學校

幫補廩增

恩貢事宜

拔貢事宜

幫補廩增。順治九年題准。幫補廩增。新舊相間。以考案為新。丁憂起復。病痊考復。停降考復。緣事辯復者為舊。無新儘舊。無舊儘新。新舊之間。總以考案先後為主。如第一是新。則先新後舊。第一是舊。則先舊後新。丁憂以下四項考居一二等。俱照名次先後為序。即起復亦不問服闋先後。惟考居三等。先儘丁憂起復。次病痊考

復。次停降考復。次緣事辭復。挨次序補。如起復等項。有一二人同時候補者。以文到日先後為序。文同到者。以原補廩增先後為序。若考後有起復准復者。序於與考之後。不得撓越。凡遇廩增缺出。該學教官於次日。即開明廩增某人。某月日某事故。見缺應補。上首補過某項某人。下首現有某項某人候缺。取具本生及上首下首各生不致撓越。賄囑結狀。加結申提調官覆勘無礙。申文詳奪。若該學留難不報。至三日以上。提調官遲至七日以上。吏皆究處。其增生補廩。

所遺增缺。俟前詳批允後。方許作缺。呈詳頂補。不得兩項並申。如有朦朧撓越者。事發教官以贓論。本生黜革。保結生降罰。○又題准。廩膳緣事三月以上不結。停食餼。不作缺。事結供明。准補支。但經戒飭。即不犯革。亦備查拘發收復月日。俱作曠不補支。○雍正七年議准。舊廩考居一二等。方准與上等之增附挨次序補。其考居三等者。不准收復。○十年議准。四等廩生。仍依限送考。不許作缺。○又議准。嗣後舊廩考居三等者。仍准與新考上等開補。○乾隆六年議准。

貴州省廩增歲案幫補。向照各省以行文科考之日停止。至科案幫補。則於鄉試科冊解部之日停止。俟有缺出。歸下次歲案頂補。辦理未能畫一。嗣後黔省幫補廩增。應照各省例。歲案仍於行文科考之日停止。科考於下屆行文歲考之日停止。○二十四年議准。期喪不應考之廩生。餼糧照舊支給。毋庸扣缺。○二十六年議准。幫補廩增。向由州縣府轉詳。實屬具文。嗣後幫補廩生。由本學徑詳學政。數明批補。仍將准補名姓日期。行知該府州縣註冊。以為關支餼糧。

及稽覈奏銷之據。其增生無關錢糧。專令學臣批准行學。毋庸轉行。以省案牘。○二十八年議准。附生考列二等補增。已邀嘉獎。若幫增之後。又即補廩。未免太優。應將新增補廩之例停止。○又覆准。廩生丁本生父母期年憂。例不出缺。其廩糧仍照舊支給。○三十八年議准。廩生報劣。照考列四等之例。停支廩糧。不作缺。仍照例察看。怙過不悛者。即行斥革。如果改悔自新。確有實據。仍於冊內開註改過字樣。俟報部覈准後。再行開支。○四十年覆准。廩生考劣。如果照

限赴考。文理較優。仍可量拔三等。其有限內送考而文理依舊疵謬者。毋庸降增。仍以停廩不作缺之處註冊。俟下次歲考照例辦理。○四十九年覆准。定例幫補廩增。新舊相間。惟考居三等。先儘丁憂起復。次病痊考復。次停降考復。次緣事辯復。挨次序補。至由別學改歸。作為虛廩虛增。新舊間補。若考居三等。應專與丁憂起復者挨次序補。○嘉慶八年覆准。湖南省通道縣考試。寄籍梁吳等十八姓。另編木字號。於通道縣學額內。占四分之一。其廩增亦照學額公配。

充補。十年覆准。雲南省東川府學。原設廩增各八名。四年一貢。上年議准。額設廩增各二十名。二年一貢。應添補廩增各十二名。今據該學政以該學於上年九月接奉行知。前任歲考幫補業已停止。應參照乾隆二年山西省神池五寨等縣添設廩增分案添補之例。將前任科考優等生員合例補廩者頂補六名。其餘六名。仍參照乾隆四年雲南省宣威州增設廩額。由貴州省威甯州撥歸幫補廩生之例。將本年歲考優等生員與候廩生員。新舊開補。以昭平允。其

添補增生。即照此例辦理。至出貢年分。既據該學政查照普洱府二年一貢之例。與成例相符。亦即以嘉慶十年起貢。○十三年奏准。四川省向來學政考試。因各府有歲科並考之處。歲試事竣。均在五六月間。是以將歲案幫補。截至五月三十日。或六月三十日停止。而科案則以鄉試後十月初旬科冊報部之日為止。距下屆行文歲考之日尚遠。本於定例不符。且川省道途遙遠。所有夔州。甯遠。酉陽各府州屬。距省均一千數百餘里。及二千餘里不等。雖出缺在報部。

以前而該處詳文到院。科冊業已報部。遂致不能幫補。是路近者可及期得補。而路遠者因後至見遺。又十月初旬科冊報部之期。各任亦無定准。嗣後該省歲科兩考。廩增幫補。各以年半為期。歲考之年正月初一日起。至次年六月三十日止。所出之缺。歸於歲案幫補。自七月初一日起。至第三年十二月三十日止。所出之缺。歸於科案幫補。遇有閏月在應補歲案期內。歲案幫補即以六月十五日止。如在應補科案期內。科案幫補即以七月十六日起。再查歲科考冊。

向例三年解部兩次。並不扣限。各省往往過於
遲延。嗣後各省學政於歲科考冊。均以試畢後
兩月出咨為限。其廩增冊。歲科兩試。亦令解冊
二次。均以截缺後兩月出咨為限。俾各屬幫補
均得辦齊報部。以便查覈。○又覆准。各省歲科
兩試幫補廩增。每多偏枯。解冊日期。亦過遲延。
先由四川學政咨請酌改章程。經本部具奏通
行在案。今湖北宜昌施南兩府。定例歲科連考。
三年內所出廩增各缺。歲科兩案輪補。辦理尚
屬平允。其廩增冊。隨歲科兩考報冊二次。每年

年底加報一次。解部日期亦不至於遲延。自可
仍照往屆辦理。○十四年議准。湖南省通道縣
學額。文武童生各八名。廩增各二十名。計該縣
廩增額缺。土著應得十五名。寄籍應得五名。應
將通道縣額設廩生二十名。俟土著補足十五
名後。土著出缺。以土著生員充補。寄籍出缺。以
寄籍生員充補。其增生出缺。亦照此例辦理。至
出貢事宜。無論土著寄籍。仍以補廩食餼先後
日期為序。○十六年議准。軍功議敘銓選生員。
有情願註銷銓選者。應准其註銷。仍留原銜頂

戴收入學冊照常應歲科兩試其原係廩增生者作為候廩候增照案新舊開補。二十年覆准嗣後選拔生於會考出榜後開除廩餼其取准優生亦照選拔之例一律辦理。○又覆准嗣後各省由廩增附報捐職官及貢監等項如未驗照之先以接到咨文為出缺之日如咨文未到先行驗照即以驗照為開缺之日。○道光九年覆准定例實缺廩生一經報劣即行停支廩餼其由增生附生報劣者不得復行幫補。○又覆准歲科兩考廩增幫補各以半年為限如上

屆截止期內所出之缺。所取一等補完。二等增生。皆係新補。三等又無應補之人。所出廩缺酌量變通。歸入新案幫補。○十二年覆准。附生丁降服憂。遇有廩增缺出。不准挨補。○十三年覆准。廣西省泗城鎮安兩府。向係歲科連考。本年有泗城府屬之西隆州廩生。應出上屆十年分歲貢。因病展限。至本年方行考准給單。所出廩缺。應歸科案頂補。其次應出十四年分歲貢之人。將來考准給單。所出廩缺。亦應科案挨補。惟向來考試該二府。均在歲案期內。本案歲試已

在科考期內。而該州歲案期內。未出廩缺。若將此兩貢所出之缺。統歸科案幫補。未免偏枯。應照歲科連考。三年內所出廩缺。歲科輪流開補之案。變通辦理。○十六年覆准。考列一等之增生。因病未能覆試。旋經招覆未到。應降附三等。撤銷增生。以附生註冊。其增缺仍照原出月日。照次挨補。○十七年覆准。增生報捐從九。無力赴選。情願註銷捐職。仍由生員應試。吏部准其註銷。自應收入學冊。以附生應試。未便仍還增生。○十九年奏准。嗣後增生補廩。所遺增缺。如

歲案所遺歸歲案幫補。科案所遺歸科案幫補。仍照定例。於前詳批准後。該學呈詳頂補。至廩生出缺。該學仍於三日內呈文詳補。學政查覈批准。如有延閣。即將學政教官一併議處。○二十年奏准。嗣後廩增出缺。應由該學呈報者。即於三日內具詳學政。應由學政飭知者。即於三日內劄行該學。務令隨空隨詳。隨詳隨補。於歲科兩試解部廩增冊內註明某人出缺年月日。某人於某年月日頂補遺缺。查有逾限。即行叅處。○二十三年議准。各省駐防文生。向設有廩

增額缺。今既改應繙譯。應裁設廩增額缺。嗣後各省駐防弁兵子弟。已經補廩補增者。仍作為廩增生。俟出缺後。以次裁撤。不必頂補。○咸豐四年。覆准陝西省佛坪廳添設學校。其由洋縣撥歸佛坪之增生。下屆即以實增應試。考列一等之附生。考列二等之候廩生。即補佛坪廩缺。至候廩補缺後。出貢日期。准接算從前食餼年數。○七年。覆准議敘各項頂戴職銜之廩生。與議敘銓選實進官階者不同。准其仍留廩缺。其由軍功議敘銓選之廩生。不願註銷者。仍照議

敘銓選不得再占學缺之例。不准仍留廩缺。○
同治四年議准。嗣後廩增報捐職官貢監者。以
給照之日。為開缺日期。在省報捐先給實收者。
以給實收之日。為開缺日期。由軍功議敘職官
者。以奉

旨之日。為開缺日期。至廩增在京報捐者。由戶部按
月造冊。註明發照日期。知照各該省學政。其在
各省報捐先給實收。及由軍功議敘職官。業經
奉

旨者。由各省督撫。隨時造冊。註明給發實收及議敘

奉

旨日期。知照各該學政查照。即時行學辦理幫補。毋庸俟該生等驗照。○七年議准。奉天昌圖廳新立學校。所設廩增各缺。除先以附考別城之廩增生。改歸本籍者。俟資充補外。其改歸之附生。及嗣後該廳新進各生。均照考案先後幫補。○又覆准。廣東省赤溪客籍。舊屬新甯。歸學管束。本無廩增額缺。惟改撥赤溪。附入府學。與東莞新安客生。同屬之內。辦理不應兩歧。且童額僅止二名。即占府學廩增。亦屬無多。應將赤溪客

生照東莞新安客生之例。與廣州府土籍生員一體考試。准其幫補廩增。至恩平開平客民。安插高廉雷瓊者。取進客生。既附入州縣考試。與赤溪廳之不設儒學。必歸府學者有間。前次奏請考試時。聲明不占土額。除進額仍遵。

旨錄取外。其取進客生。應歸州縣儒學管束。毋庸撥給廩增。○光緒二年覆准。嗣後遇有順天直隸及各直省廩增報捐。及議敘職官。務即造冊註明。給發實收日期。及議敘奉

旨日期。隨時知照學政。辦理幫補。毋任延玩。

恩貢事宜○順治元年欽奉

恩詔。直省府州縣學。均以本年正貢。改為恩貢。次貢作正貢。○八年欽奉

恩詔。各直省儒學。准恩貢一名。以正貢作恩貢。次貢作歲貢。○九年。

世祖章皇帝視學。聖賢後裔來京陪祀者。送監讀書。俱准作恩貢。○康熙八年。

聖祖仁皇帝視學。聖賢後裔陪祀者。送監讀書。俱准作恩貢。○十四年欽奉

恩詔。直省儒學。准以正貢作恩貢。次貢作歲貢。○三十

六年欽奉

恩詔。直省儒學。准以正貢作恩貢。次貢作歲貢。○三十年題准。上年

恩詔。以正貢作恩貢。次貢作歲貢。應以本年遇

詔之正貢。改作恩貢。次貢充本年歲貢。至歇貢之年。仍不從起送。通行各學政。已經起送本年歲貢到部者。移咨吏部改註恩貢。該學政換給恩貢單。其未經起送本年分歲貢者。學政即改作恩貢。造冊送部。○五十二年欽奉

恩詔。直省儒學。以正貢作恩貢。次貢作歲貢。○雍正元

年欽奉

恩詔直省儒學。准以正貢作恩貢。次貢作歲貢。其不值正貢之府州縣衛學。准以次貢作恩貢。再次貢作歲貢。○二年。

世宗憲皇帝視學。聖賢後裔陪祀者。送監讀書。俱准作恩貢。○十三年欽奉

恩詔。直省儒學。均以本年正貢作恩貢。次貢作歲貢。○又題准。各省府州縣衛出貢。俱於本年以正貢作恩貢。次貢作歲貢。其歇貢之州縣衛學。仍於次年舉行。○又議准。凡舉行

視學典禮。衍聖公帶領聖裔五人。並帶領四配十哲
賢裔各二人。赴京陪祀。原有定額。嗣後觀禮人
員。亦酌定額數。聖裔毋過二十人。內曲阜籍十人。衛州籍十人。
四配裔毋過八人。十哲裔毋過四人。廩生准
作貢生。增附生准作監生。○乾隆三年。

高宗純皇帝視學。聖賢後裔陪祀觀禮者。俱准送監讀
書。本係廩生送入者。准作恩貢。○十三年。

諭朕此次東巡。加恩士類。已令增廣入學名數。復念十
三氏子孫。遠承世緒。濟濟膠庠。其中當有文學可觀。
讀書立品之彥。宜加甄拔。以廣恩施。其令該學政考

驗其文行兼優者。咨送禮部。貢入成均。示鼓勵焉。欽此。遵

旨議定。此次考驗十三氏子孫。照考選拔貢之例。分作兩場試。以書藝經策論判。拔其尤者。送部貢入成均。准作恩貢。咨送吏部照例銓選。○十五年欽奉

恩詔。直省儒學。以正貢作恩貢。次貢作正貢。○十六年欽奉

恩詔。直省儒學。以正貢作恩貢。次貢作正貢。○二十六年欽奉

恩詔。各省儒學。以正貢作恩貢。次貢作歲貢。○三十六年欽奉

恩詔。各省儒學。以正貢作恩貢。次貢作歲貢。○四十五年欽奉

恩詔。各省儒學。以正貢作恩貢。次貢作歲貢。○五十年欽奉

恩詔。各省儒學。以正貢作恩貢。次貢作歲貢。○五十一年奏准。凡遇

視學典禮。陪祀生員。監生奉祀生。例准作恩貢。此次臨雍。復有武生俊秀。應分別辦理。武生俊秀奉祀生。俱

准作監生。○五十五年欽奉

恩詔。各省儒學。以正貢作恩貢。次貢作歲貢。○嘉慶元年欽奉

恩詔。各省儒學。以正貢作恩貢。次貢作歲貢。○四年欽奉

恩詔。各省儒學。以正貢作恩貢。次貢作歲貢。○十四年欽奉

恩詔。各省儒學。以正貢作恩貢。次貢作歲貢。○二十四年欽奉

恩詔。各省儒學。以正貢作恩貢。次貢作歲貢。○二十五年

年欽奉

恩詔。各直省儒學。無論府州縣衛。俱於本年以正貢作恩貢。次貢作歲貢。○道光元年欽奉

恩詔。各省儒學。以正貢作恩貢。次貢作歲貢。○五年奉旨。向例凡遇恩詔。恩貢之額。準乎歲貢。從無有歲貢輪考。恩貢獨改為分考之理。據禮部查明四川華陽成都二縣。輒以附郭首邑。各出恩貢一名。殊違定例。著該學政即查明更正。該二縣此次多出恩貢三名。仍照應貢年分。以次遞推。作為豫考歲貢。嗣後如遇恩詔。該二縣即照輪考歲貢之例。輪考恩貢一名。以符

定制。○十五年欽奉

恩詔。各省儒學。以正貢作恩貢。次貢作歲貢。○二十五年欽奉

恩詔。各省儒學。以正貢作恩貢。次貢作歲貢。○三十年欽奉

恩詔。各直省儒學。無論府州縣衛。俱於本年以正貢作恩貢。次貢作歲貢。○咸豐二年欽奉

恩詔。各省儒學。以正貢作恩貢。次貢作歲貢。○三年欽奉

恩詔。各省儒學。以正貢作恩貢。次貢作歲貢。○五年欽

奉

恩詔各省儒學。以正貢作恩貢。次貢作歲貢。○十年欽

奉

恩詔各省儒學。以正貢作恩貢。次貢作歲貢。○十一年

欽奉

恩詔各省儒學。無論府州縣衛。俱於本年以正貢作

恩貢。次貢作歲貢。○同治四年欽奉

恩詔各省儒學。以正貢作恩貢。次貢作歲貢。○十一年

欽奉

恩詔各省儒學。無論府州縣衛。俱於本年以正貢作

恩貢。次貢作歲貢。○光緒元年欽奉

恩詔。各省儒學。以正貢作恩貢。次貢作歲貢。○五年

欽奉

恩詔。各省儒學。以正貢作恩貢。次貢作歲貢。○七年

欽奉

恩詔。各省儒學。以正貢作恩貢。次貢作歲貢。其不值

正貢之府州縣衛學。於應貢年分舉行。

拔貢事宜。○順治元年

諭。首舉選貢。掄才盛典。准先行歲考。補足廩生。以拔其

尤。順天府特貢六人。每府學貢二人。州縣學各貢一

人。其考試盤費。官為資給。如有拔萃奇才。特疏薦舉。
○又議准。山東省各學廩生。令提學嚴加考試。
擇其文學優長。年力強壯者。每府州縣各於正
額外再加一名選貢。其流寓在省諸生。亦取確
當保結。另編字號。一體考試。果有學博才優者。
視人數多寡量舉一二名。○又題准。在外府州
縣學廩生。赴學政考試。選貢來京。以學達經濟
行合規矩者。方為及格。○又題准。拔貢定例。彙
通省廩生於貢院中。兩場考試。士子跋涉艱辛。
令聽學政於所至之地。就近考試。○十一年題

准。直省儒學廩生內。通行考試經書策論。拔取學行兼優者一人。充貢送部。學政將各生原卷解部。仍令本生謄錄硃卷。黏連貢單。於布政使司起文。取該府州縣學各印結齋送投部。彙送內院。以候

廷試。各學政仍將拔貢生員姓名籍貫。備造文冊報部。○康熙十年題准。直省各學於現考一二等生員內。遴選文行兼優者。考充拔貢。入監肄業。○又議准。八旗新舊生員。通行選拔。滿洲蒙古二名。漢軍二名。入監肄業。○二十四年議准。

直省各學。於現考一二等生員內。遴選文藝兼醇品行端方者。府學二名。州縣學各一名。准為拔貢。入監讀書。如該學無文行兼全者。任聽缺額。其試卷解部磨勘。如察出冒濫者。將考官糾叅。○三十六年題准。照康熙二十四年例。選拔貢生。府學二名。其餘各學一名。滿洲蒙古二名。漢軍一名。如無文行兼優者。任缺毋濫。○三十九年議准。嗣後選拔之年。以陪貢充。停止選拔。○六十一年覆准。直省照三十六年例。再選拔一次。如有冒濫者。該學政照溺職例革職。○雍

正二年議准。江蘇蘇州府屬之長洲。崑山。吳江。常熟。四縣地方內。分設元和新陽震澤昭文四縣。八縣共選拔四名。○五年

諭直省拔貢舊例。十二年題請舉行一次。朕思各州縣年年歲貢。較其食廩淺深。內多年力衰邁之人。欲得人材。必須選拔。著各省學政於科考時。照例府學拔取二名。州縣學各一名。寧缺毋濫。務取學問優通。品行端方。才猷可用之人。令其來京。朕將親行廷試。令入監肄業。如有學問荒陋。人品不堪。才具庸劣者。該學政嚴加議處。嗣後六年選拔一次。國子監屆期題

請候旨。○六年

諭各省考取拔貢。原欲遴選儒生以廣教育。向例於現考一二等生員內。拔其文行兼優者。但作文有一日短長。而文理平通。不列優等者。其人或品行端方。才猷練達。足備國家之用。亦未可定。嗣後各省學政。不必拘一二等生員。均准收考。酌量試以時務策論。其人果有識見才幹。再訪其平日品行端方。即正考未列優等。亦准選拔。俟到成均。仍可學習。如此則文行兼收。可以昭廣攬人材之典。○七年

諭各省拔貢。聞已陸續來京。伊等既不能應本省鄉試。

則當准其應試北闈。俾得預觀光盛典。凡拔貢之有貢單者。俱著該部咨送順天府。准其應試。○乾隆元年。覆准。各學政選拔貢生。務秉公考覈。拔取文行兼優之士。不得委任教官。開奔競之門。到部時。仍遵例奏請。

欽命大臣考試分別等第。如有文理荒謬者。本生褫革。該學政交部嚴加議處。考列一等二等者。九卿會同揀選。由部引

見。其中果有卓越之才。自仰邀

簡用。其三等者。停其揀選。照例劄監肄業。凡宗學義

學教習。即於此中考取。三年期滿。以知縣銓用。其肄業期滿者。俟吏部照例銓選。○二年奏准。嗣後拔貢到部。停其揀選引

見。仍由部奏請

欽命大臣考試。劄監肄業。如有文理荒謬者。本生及該學政照例議處。其肄業貢生。俟三年期滿。其中果有經義治事精通練達。人品卓越學識醇正者。祭酒等官覈實保薦。引

見。以知縣教職

簡用。其餘照例以教職輪班序選。○四年復准。嗣後

舉報優生除將實行註冊外應將通曉何經。或五經三經一併註明。拔貢應試經解一道。將

御纂諸經中摘取先儒異同之說。令其條分縷析。一同解部。○七年

諭國家科目取士之外。又有拔貢一途。所以收未盡之人材以備用也。我朝教澤涵濡。人文日盛。又屢開恩科。加增中額。是以進士濟濟多人。舉人則日積日衆。竟有需次多年而不得一官者。朕為此時廬於懷。屢籌疏通之策。若又拔貢以分其選用之途。數年一次舉行。則人愈多而選用愈少。舉人需次。更遙遙無期。

矣。朕思拔貢乃生員中之優者。既為文學華瞻之青衿。則應科舉時自可脫穎而出。又不專藉選拔以為進身之階也。從前選拔。或數十年一舉。或二十年一舉。今則六年一舉。為期太近。理應酌量變通。嗣後著十二年一舉。定為例。○八年覆准。嗣後凡拔貢到部。由部驗到。即劄國子監會同考試。文理通順者。准為拔貢。留監肄業。荒謬者。即行褫革。如文理雖不荒謬。而詞句疵累。不稱拔貢之選者。發回原籍肄業。仍將該學政分別議處。○十六年

諭各省選拔貢生。經朕降旨以十二年舉行。惟是來京

朝考。揀選引見。發監讀書。或以知縣等官試用。或以教職即用。或以教職歸班序選。條例屢經更定。朕思選拔於數十百人之中。拔取一二人。且不糊名易書。可以驗其人材。考其素行。自當精擇以充其選。應令該學政於試列前茅之士。舉其文行兼優。才品出衆者。會同督撫掄採。以杜濫冒。至庠序為陶育人材根本。今教職率多昏耄龍鍾。濫等戀棧。雖定以六年甄別。而上官以閒曹多方寬假。非國家設官敷教本意。應分以年限。詳加澄汰。所汰之員。即以應授教職之選拔充補。於教士當有裨益。凡選拔貢生赴部驗到。

作何定限。朝考錄用一應規條。應詳細酌定。永著為令。大學士九卿集議以聞。欽此。遵

旨議定。嗣後直省學政。於歲科兩試時。凡文理優通之廩增附生。觀其才品。按其言論。合之文章。已得其大概。至考拔時。悉心體訪。不得委任教官。以杜奔競。照例試以兩場。於屢次優等及現列前茅之士。擇其文優品端者。秉公選拔。即隨場咨明督撫存案。俟科考事竣。八月鄉試以前。學政到省錄遺時。傳齊通省選拔之人。有總督駐紮之所。會同督撫。僅巡撫駐紮之地。會同巡撫。就

學政考院通行覆試一場。酌用四書文經文策各一篇。次日就督撫署中會同驗看。仍將選拔原卷通行校閱。如果文品兼優。年力富強。即通出一榜。該學政給予貢單咨文。令其赴部。止覆原卷。均送部磨勘。再順天學政選拔滿洲蒙古漢軍生員。應於鄉試前奏請。

欽命大臣會同覆試驗看。奉天由府丞選拔。應會同府尹在公所覆試驗看。福建臺灣府由臺灣道選拔。移送福建學政。會同督撫覆試驗看。光緒二年。

改歸巡撫選拔。

如督撫等別有見聞。或驗試不堪充選。

仍發回原學肄業。至到部之期。統以其年十月起限。四川。廣東。廣西。雲南。貴州。定限八月。於次年五月到部。江西。福建。浙江。湖北。湖南。陝西。限六月。於次年三月到部。直隸。奉天。河南。山東。山西。江南。限四月。於次年正月到部。禮部即照定限。奏請。

欽命大臣。於

午門內考試。分別三等進呈。如有文理荒謬不入等之人。學政照例議處外。該督撫亦應一併議處。至

朝考取列優等。復經九卿揀選引

見。或以知縣或以知縣以下等官錄用。再直省府州縣教職。飭令督撫三年一次澄汰。將實在年力就衰者。勒令休致。澄汰員缺。即將揀選引見之拔貢。照依

朝考名次先後充補。其補授訓導者。以教諭銜管訓導事。仍照原銜升轉。俟揀選引

見之人用完。照舊例銓選。未入揀選者。仍劄監肄業。悉照舊例遵行。○十七年議准。嗣後選拔。將原議第一場經文一篇。改為經解一篇。於

御纂四經內摘取異同大義發問數條令諸士各就所習本經答問其有能通他經者聽再癸酉鄉試之前。

御纂三禮頒發不及其專業禮經之生准其於諸儒註疏折衷異同條析以對仍照原議將選拔卷解部磨勘。十九年奏准選拔貢生每次

朝考將試卷糊名戳印某省字樣於卷後令閱卷大臣按省憑文酌擬一二等名數進呈

欽定。二十三年定各省考試拔貢四書文經解策論外加試五言八韻詩。

朝考拔貢。試以書藝一詩一。○二十九年議准。湖
南省永順府學及所屬永順龍山保靖桑植四
縣學。准其一體選拔。○又議准。湖南省衡陽縣
分設清泉縣。逢拔貢之期。照江南元和等縣例。
於衡陽清泉兩縣內。憑文酌取一名。○三十年
諭。向來選拔貢生。江蘇安徽二省分設各縣。仍統於新
舊兩學中彙拔。貢入成均肄業。茲當翠華臨幸。正值
選拔之年。著加恩將江蘇安徽二省所有分設各縣。
准於本年選拔時。每學各取一人。○四十一年議定。
熱河等七廳設立廩額。俟廩額補足。以開考之。

年計算。十二年後始行出貢。照例三年一貢。遇拔貢之年拔取一名。○又議准。貴州省仁懷通判。改為直隸同知。設立廩額。照永豐州等學例。四年挨貢一名。俟十二年後選拔之期。拔取一名。如無文行兼優之士。任缺毋濫。○又覆准。四川省彰明縣。照清溪學例。四年一貢。十二年後選拔之期。准拔一名。綿州學。自羅江學額歸併以後。該州學例三年兩貢。遇選拔之期。亦准拔取一名。以符定例。如無文行兼優之士。任缺毋濫。○四十一年奏准。拔貢。

朝考後引

見用部員者。以小京官用。○五十年

諭大學士九卿議覆學政錢澧酌定苗疆學額一摺。內
衡州府屬之衡陽清泉二縣。遇選拔之年。仍照舊例。
於二學內酌取一名。毋庸添額。固屬照例議駁。但念
該省為民苗雜處之地。而衡陽清泉二學。既據該學
政奏稱。煙戶錢糧稍多。且文風較為出色。自應隨時
量為酌變。著照錢澧所請。准其於選拔之期。每縣各
拔一名。以示鼓勵。○五十五年

諭嗣後拔貢朝考。統俟該生等齊集京師後。禮部即行

奏請定期。在貢院應試。不必分作三次。至朝考取入一二等者。向派王大臣挑選。其入選者帶領引見。以小京官分部學習。及以知縣教職等官錄用。較之進士歸班舉人截取銓選者更速。是拔貢一途。尤為士子捷徑。必須秉公考覈。以杜躁進而整士風。但各省學政考拔時。拘於成例。按照府廳州縣應拔定數考取。往往有一學中並無真才可膺是選。而濫行充數。並有於鄉紳子弟中選拔者。是各學政已不免有瞻顧徇情之處。而到京朝考後。若仍令王大臣挑選。安知不又互相請託。殊非覈實遴材之道。所有王大臣

挑選之例。著行停止。此次拔貢朝考取入一二等者。著於正大光明殿覆試。再行欽派大臣秉公閱卷。取定後按照等第名次帶領引見。候朕分別錄用。其朝考及覆試題目。屆期欽定。以昭慎重。著為令。○又奏准。考試拔貢閱卷大臣。除原充學政照例扣除外。如各大臣內有因子弟姻親。概行扣除。恐開列人少。易啟揣摩囑託之弊。應照鄉會試例。一體開列。俟派出時。將應行迴避各生。令其先一日不得入場。俟此後有應行補試。優拔貢生時。再附入補考。○又奏准。拔貢考試。堂上不敷排

號列坐。應於至公堂前兩旁號舍編列坐次。各生點進後。查照歸號。仍令查察大臣會同監試御史分段清查。如有亂號換卷之弊。即行究辦。

○又

諭據彭元瑞等奏考試各省拔貢直隸省東秋六號一卷。詩句平仄訛錯甚多。又脫寫二字。難以句讀。應請將該生斥革等語。因令軍機大臣拆閱彌封。係宣化府延慶州鄉學選拔增生楊廷掄。即將該生考取拔貢原卷。並總督學政會考試卷。詳加覈對。文理亦屬平常。詩句兼有拗字。拔貢定例。如本學實無可拔之

人。原應寧缺無濫。今似此濫膺選錄。何以杜倖進而拔真才。楊廷掄著全行斥革。仍准其原名應試。所有原考之順天學政金士松。及覆考之總督劉綏。俱著交部照例議處。○嘉慶五年

諭禮部奏四川酉陽州屬秀山縣。於乾隆五十七年設學。未定拔貢之額。今據四川學政陳希曾咨稱。已與雅州酉陽兩舊學一體各拔一名。係援照乾隆四十四年前任學政吳省欽咨部選拔彰明縣學額之案。辦理錯誤。照例不准一摺。學校事關名器。即增一童生進額。亦必遵例奏請。况選拔貢生。尤宜慎重。從前

吳省欽遽行咨部。而部臣輒行咨准之處。均屬錯誤。姑念事隔多年。吳省欽業已革職。禮部堂官俱已更換。物故。均著免其查辦。至學政陳希曾咨部選拔。亦有不合。但念係相沿舊案。除所增拔貢二名。照部議不准外。陳希曾亦著加恩免其議處。嗣後各省學政。遇有增添貢額等事。務當循照增添學額之例。一體奏明請旨。不得咨部辦理。以杜冒濫。○六年奏准。四川省馬邊廳彰明縣兩處。各設選拔一名。○又議准。湖南省乾州鳳凰二廳。歲貢拔貢。久已照例舉行。永綏廳於乾隆二十五年始設學額。原

議俟十年後准其食餼。再十年後照例出貢。嘉慶三年前學臣范鰲題請出貢。經部覆准。茲當選拔屆期。亦應照例拔取一名。以示鼓勵。○七年議准。嗣後凡遇拔貢。

朝考之年。行文各省。俱令於五月內到京。投文驗到。俱於五月三十日截數。於六月初旬奏請考試。庶不致有守候遲誤之累。○又覆准。選拔生未經

朝考。尚未准作拔貢。不准由拔貢生報捐。○十六年奏准。浙江省溫州府屬之玉環廳。於嘉慶八

年設立專學。與各州縣學體例相符。茲屆選拔之年。如有文理優長者。量予選拔一名。○十七年議准。四川省雅州府屬之天全州。酉陽州屬之秀山縣。自設立專學以來。文風實有起色。照例各設拔貢一名。又綿州屬之羅江縣。於嘉慶七年復還舊治。設立專學。令督撫等詳細查明。如果有文行兼優之士。一體選拔一名。如無其人。任缺毋濫。○又奏准。四川省雅州。自雍正七年升府。添設雅安首縣。未經另立學額。所有取進童生。及廩貢生員。俱歸府學辦理。嗣於嘉慶

十三年添設雅安縣學。設文武進額各十二名。廩增生各二十名。以府學中充補年深者歸入縣學。照縣學例。二年一貢。雅州府本有拔貢一名。自應歸併雅安縣學。再雅州府學。現在應考生員有二百餘名之多。獨無選拔。未免向隅。應照嘉定。潼川。改設府治之例。選拔一名。以示鼓勵。○二十二年覆准。拔貢遺失貢單。應以現任學政銜姓並現在月日填寫。聲明原單遺失。補給字樣送部。以便給發。○道光二年奏准。拔貢覆試一二等。未及引。

見。旋即丁憂者。服闋後。由該督撫給咨送部。補行引見。○又奏准。嗣後補考選拔各生。各學政照例給咨赴部。方准補考。如有在京取結呈請者。概不准行。○三年

諭。御史黃德濂奏。請慎重選拔等語。各學選拔貢生。朝考後。取入一二等者。即分別錄用。小京官及知縣教諭等職。其登進之階。視他途為較捷。自應遴選得人。方足以資任使。且考試時。並不糊名易書。該學政按試州郡。於士子根柢。見聞較為真切。夫士先器識。而後文藝。一州一縣之中。必有行誼敦篤。素為鄉里矜

式之人。有校士之責者。固宜比較文詞之高下。與字畫之工拙。而尤必以器識爲先。若專憑文藝。是舍本而逐末矣。現當選拔屆期。著通諭各直省學政。務求經明行修。堪備國家任使者。於現在舉行歲科兩試時。豫爲察訪。以充是選。至該御史奏稱不得輕聽教官之言。致啟奔競營求之漸。所奏甚是。惟在各該學政公正自持。精心鑑別。則真才自出。諸弊不難肅清也。○四年。覆准。四川省綏定州。自改府後。業經二十餘年。文風已有可觀。增設拔貢一名。至綏定所屬之新甯縣學。與忠州所屬之梁山縣學。向係

共拔一名。嗣後每逢選拔之年。兩縣選拔。輪流舉行。以昭平允。○十五年

諭御史郭鳴高奏請飭禁選拔積弊一摺。國家廣育人才。於鄉會試正科而外。增設選拔一科。原所以旁搜俊彥。拔取真才。各直省學政經朕特簡。俾司其事。宜如何秉公遴選。克盡厥職。不特衡校試藝。細心研求。即案臨時約束教官。稽查槍代。亦應振刷精神。力祛諸弊。方為不負委任。若如該御史所奏。向來閩省每逢選拔之時。教官辦理冊卷。輒向殷富之家。需索多費。復有正拔幫拔名目。正拔倩人代作文字。而幫拔

之人。則以草率完卷。學政見與試人少。恐難充數。每
不認真考察。所拔多係豪富鄉紳子弟等語。聞省積
習如此。恐他省亦所不免。著通諭各直省學政。務於
考試案臨時。嚴禁教官。毋得縱容書斗。需索卷費。並
嚴查槍代各弊。革除正拔幫拔名目。儻該教官等仍
前疲玩。因循不悛。著該學政據實嚴參。毋稍寬縱。若
該學政不能認真甄取人才。釐剔各種積弊。經朕訪
聞。或別經發覺。必將該學政懲處不貸。○十六年

諭。吳文鎔奏。選拔屆期。請嚴禁弊端一摺。直隸省每遇
選拔之年。各學學書門斗。各府州縣書吏。及學政衙

門書吏門丁。均有卷費冊費考費各項陋規名目。且當學政局門校閱之時。更有不肖之徒。在外招搖撞騙。不可不嚴行飭禁。現屆丁酉科選拔之期。所有學政衙門書吏家丁。著責成該學政嚴為稽查。加意約束。並先期剴切出示。申明例禁。至局門校閱時。著直隸總督通飭所屬各府州縣。及充當提調各員。認真嚴密察訪。如有匪徒在外招搖撞騙。立即嚴拏按律懲辦。其卷冊考費一切陋規。著概行禁革。並著該督出示曉諭各屬。應試選拔生員。儻仍有書斗門丁等需索抑勒情事。准該生赴提調官衙門稟訴。從重懲

治。各直省考試拔貢。俱著照此辦理。經此次諄諭之後。各該學政衙門書吏人等。如仍有需索陋規情弊。惟該學政是問。至局門校閱時。該提調官不能隨時查察。杜絕弊源。致不肖匪徒。仍敢在外招搖撞騙。一經發覺。定將該提調官懲處不貸。○又議准。四川省甯遠府自建設學校以來。文風日盛。增設拔貢定額一名。○又議准。貴州省黎平府屬之古州廳。設立專學後。已屆十年。明歲丁酉選拔年分。准其拔取一名。○十七年議准。貴州省貞豐州設學後。迄今已百餘年。人文日盛。增設拔貢一

名。○十八年奏准。上屆考取選拔生。因丁憂未及會考者。准於下屆選拔年分。由督撫學政會考。給咨送部。歸入新科選拔。同應

朝考。其丁憂及呈報患病在會考後者。仍照例在部補考。不得與新科選拔各生同考。以杜規避取巧之弊。謹案此條光緒七年銷除○三十年議准。辦理選

拔試卷。畫一章程。一。選拔試卷。學政應一體批點。若有謬誤違式之處。例應抹出。一。試卷應一體點句句股。一。試卷應於交卷時。將姓名浮籤揭去。開拆彌封後。照歲科考式樣。一體填寫姓

名。試卷應由該學政一體鈐蓋關防。至會考一場。仍須加印督撫關防。以昭慎重。惟八旗選拔生會考。例奏派大臣會同學政考試。向不攜印入場。毋庸加印。會考試卷。各該督撫會同學政。悉心校閱。分別去取。於卷面填寫等第名次。以示區別。

朝考覆試。但有朱絲豎行。並無橫格。學政考試。應仍令印橫格。以符體例。其字數酌定每頁六行。每行二十格。咸豐九年覆准。四川省重慶府屬江北廳。自嘉慶十六年。由巴縣分設學額後。

未設拔貢。現在該廳應試文生。已有一百六名。應自咸豐十一年辛酉科為始。增設該廳選拔一名。○十年奏准。四川省新甯梁山兩縣。自議定輪流拔貢以來。一輪已滿。人文蔚起。廩增附名數。均已多至百餘人。自咸豐十一年辛酉科為始。每縣各選拔一名。○又奏准。貴州省軍務未竣。未便拘於成例。概停選拔。各屬可考地方。無論曾否歲試。俱准其考選拔貢。如應試人數太少。不得文行兼優之士。仍照例任缺毋濫。其新進諸生。及入學後未過一次歲考者。俱不准

收考。以示限制。○同治元年

諭。禮部奏試卷漏印戳記。請將承辦司員議處。並自請
議處等語。向來覆試各直省拔貢試卷。印用省分戳
記。以便閱卷大臣分別錄取。本年各直省拔貢覆試
卷面。該承辦司員。並未遵照向章。印用省分戳記。以
致閱卷大臣。無憑將彌封之卷。分別省分。取定等第。
事關考試大典。該承辦司員等。並不查照上屆舊式。
實屬辦理草率。非尋常疏忽可比。所有禮部承辦司
員。著查取職名。交部議處。該部堂官著一併交部議
處。該拔貢覆試試卷。著派弘德殿行走之祁寯藻翁

心存倭仁李鴻藻將原卷詳細覆看。按照省分另行分別等第錄取。○三年覆准。拔貢分發知縣。到省後未經委署告假回籍者。遇鄉試時。比照舉人大挑知縣給咨會試之例。由原籍督撫聲明並未委署地方。咨送吏部。創監錄科。仍不得臨時告假。徑行來京應試。○四年

諭禮部奏各省選拔生請考紛歧請旨辦理一摺。向來各省拔貢朝考。均於選拔之次年定限考試。其有事故後期者。止准在部補考。咸豐十一年辛酉科選拔。本應於同治元年會齊考試。因軍務未竣。或考選停

留。或入京梗阻。曾經禮部奏明。展至同治四年彙齊補考。上年因四川等省選拔生呈稱。旅費維艱。實難久候。加恩准其先考以示體恤。現在復有四川等省選拔各生。到京呈懇考試。本應飭令靜候各省報齊時。再行補考。惟念該生等均係寒儒。未諳朝考體制。今既長途跋涉。遠道赴京。籲懇考試。情尚可原。所有現到應考之選拔生。著格外加恩。准其先行考試。此後未考各生。著俟禮部另定年分。與未經報齊各省之選拔生。併作一次考試。不得紛紛赴京隨時瀆請先考。以肅政體。○八年議准。四川省成都府屬之新

繁彭縣兩縣原係分治。歷十二年合兩縣拔貢一名。今人文蔚起。二縣廩增附名數。均已多至百餘人。應各拔取一名。自下屆癸酉科為始。○又議准。四川省成都府屬之郫縣崇甯嘉定府屬之榮縣威遠各縣分設學校。郫縣與崇甯合拔一名。榮縣與威遠合拔一名。茲文風日上。該四學廩增附名數。已各多至百餘人。郫縣崇甯榮縣威遠四縣均各拔取一名。自下屆癸酉科為始。○九年議准。安徽省壽州鳳臺三州縣各立學校。百有餘年。文風日盛。遇選拔之年。壽州。

鳳臺各拔一名。自癸酉科為始。○又覆准。四川省成都府屬雙流新津兩縣。自分治後。人文蔚起。廩增附名數。均多至百餘人。新津雙流兩縣。各拔取一名。自癸酉科為始。○又議准。四川省綏定府。由州政府設學。前經准予暫定拔貢一名。自定額以來。多士敦品好學。文風蒸蒸日上。廩增附多至三百餘名。數與歷次議添拔額成案相符。綏定府拔貢。准其於定額一名之外。添設一名。自癸酉科為始。○又

諭。桂清奏請嚴密考試拔貢關防一摺。考試拔貢。係國

家掄才大典。如該侍郎所奏。近日考試八旗拔貢。卷面雖揭浮籤。仍將佐領之名。註於旗分之下。殊不足以昭慎密。著自同治癸酉科為始。由部頒發卷面字式。永遠遵行。以重關防而杜弊竇。○十年覆准。

盛京昌圖廳岫巖廳。各設選拔定額一名。○十一年覆准。江蘇省松江府屬之華亭婁縣。上海奉賢。金山南匯。常州府屬之武進宜興。陽湖。荆溪。無錫。金匱等十二縣。向係分設學校。共選拔六名。現在文風日上。遇選拔之年。每學各拔一名。自癸酉科為始。○又覆准。江蘇省太倉鎮洋。嘉

定寶山。四州縣分設學校。共選拔二名。現在該州縣廩增附名數。均多至百餘人。嗣後每學各拔一名。自癸酉科為始。○又覆准。江蘇省長洲。元和。吳江。震澤。常熟。昭文。崑山。新陽等八縣。嗣後每學各選拔一名。自癸酉科為始。○又議准。江蘇省淮安府屬之阜甯縣。設選拔一名。自癸酉科為始。○又議准。廣東省廣州駐防。設選拔一名。○十二年覆准。江蘇省揚州府屬之江都。甘泉。泰州。東臺。四州縣。嗣後每學各拔一名。○又覆准。增設四川省犍樂。富榮。兩商學。各選拔

一名。○又奏准。貴州省拔貢優貢來京

朝考。孤寒之士。每以盤費無資。艱於就道。嗣後照該省文武舉人會試之例。由司填給兵部大牌。沿驛支領夫馬。資之入都。以遂觀光之願。○又奏准。雲南省軍興變亂十有八年。本屆癸酉科及補取辛酉科選拔各生。無力進京一體

朝考。未免向隅。暫照該省舉人會試之例。給予大牌。俟元氣稍復。仍即停止。○十三年奏准。拔貢朝考。因病未能完卷。俟病痊在部補考。○光緒七年奏准。選拔生在部補考者。向係分別等第名

次將試卷進

呈。如無一等。不請揀選。嗣後改為分別等第名次。
將試卷進

呈。文理明通者作為貢生。剗監肄業。荒謬者斥革。
疵累者發回原學。○又奏准。嗣後選拔生

朝考。統限於會考次年五月內赴京驗到。其有呈
報患病等項事故。及後期續到各生。照例隨時
奏請在部補考。如遇丁憂未能投到者。即與下
屆新選拔生同應

朝考。並不以曾否會考。故為區別。以示體恤。如

不能久候。情願在部補考。仍聽其便。○八年覆准。安徽省渦陽縣。自同治九年設縣之始。學額由宿毫阜蒙四州縣學內分撥。現在廩增附人數。已至一百餘名。嗣後增設選拔一名。自下屆乙酉科為始。○十年覆准。湖北省荊州駐防。廩增附人數已逾百名。嗣後增設該旗學選拔一名。自下屆乙酉科為始。○又覆准。四川省成都駐防旗學。文生人數已逾百名。嗣後增設該旗學選拔一名。自乙酉科為始。○又覆准。吉林府學。及滿合二號。廩增附生人數。均在百名以上。

嗣後吉林原定拔貢一名。專歸府學民籍考選。並於滿字合字兩號。各添設拔貢一額。其蒙古歸併滿號考選。毋庸另設拔額。至伯都訥長春兩廳。統同考選一名。均自乙酉科為始。